



UNIVERSITÄTS-
BIBLIOTHEK
PADERBORN


Universitätsbibliothek Paderborn

Cælitibus, Vulgò Pro Festo Omnium Sanctorum

Santeul, Jean de

[S.l.], 1670

urn:nbn:de:hbz:466:1-13434



Sammelband

X

Au Paris

Benserade

~~V 40~~ Sehr gut erhalten

Gedenkenexemplar des Fürstbischöfs Ferdi-
nand v. Fürstenberg

für die Jesuiten in Paderborn.

Hässlicher roter Maroquinband mit sehr reichem
Goldsprenkel, grosses Supercollé auf
beiden Deckeln (Wappen des
Fürstbischöfs), Steh- u. Zinnen
Kanten verziert, Pariser Einband d. 17. J.

7 Gedichte von Pierre Corneille

3 große Kupfer (Chauveau)

und sehr viel Buchschmuck ^{in Kupfer} und Holzschmuck

Am Schluss (S. 59-62) Gedicht auf

des Dreizehnen Jahres

Vorrede gewidmet dem F. B. Ferdinand von Fürstb.
und Schluss

Am Ende sind 2 Blätter ungenutzt geblieben.

Warum? (3. u. 4. Seiten)

1679 o. 1680 (Paris)



L.VI 35



CÆLITIBUS,

Vulgò

PRO FESTO OMNIUM SANCTORUM.

H Y M N U S.



O s sancti Proceres, vos superùm chori,
Cæli quotquot habet Regia principes,
Nostros nunc date vestris
Cantus jungere cantibus.

Cælo quos eadem gloria consecrat,
Terris una simul vos celebrat dies:
Vestros ecce triumphos
Festo carmine pangimus.

Jam cives superis cœtibus additi
De pleno bibitis gaudia flumine:
Hïc mens pura quiescit
Sacris ebria fontibus.

Altis secum habitans in penetralibus
Se Rex ipse suo contuitu beat,
Illabensque serenis
Se se mentibus inserit.

Altari medio, cui Deus infidet,
Agni fumat adhuc innocuus cruor,
Æternoque Parenti
Non impar litat hostia.

Pronis turba Senum cernua frontibus,
Effusis phialis libat, & aurea
Mactato vovet Agno,
Quæ ponit diademata.

Gentes innumeræ, mille sonantibus
Omnes cum cytharis, & nivei stolis,
Sancto Numine pleni
Ter sanctum celebrant Deum.

Primis ante alios, gloria cælitum,
CHRISTI Virgo: parens fulget honoribus,
Divinoque severum
Flectit pignore Judicem.

Cingunt mille Thronum spirituum chori,
Et velant facies Numine territi,
Placandoque Tonanti
Portant vota clientium.

Quorum splendida vox, orbis ad ultimas,
CHRISTUM vox resonans, intonuit plagas,
Præcones duodeni
Sacris Vatibus affident.

Juxtà purpurei sanguine Martyres,
Intactoque sacræ corpore Virgines
Agno candida fundunt
Rubris lilia cum rosis.

Infano strepitu qui procul urbium
Clam vixere, cavis rupibus abditi:
Solis hospita Divis
Cæli templa perambulant.


Qui tunsi manibus pectora ferreis
Deflevêre diu crimina, nunc bonus,
Quas in gaudia mutat,
Abstergit lacrymas Pater.


Nobis sancta cohors sis bona, fluctibus
Luctantes mediis, quos modo respicis,
Da portus duce Christo,
Da contingere prosperos.


Regum maxime Rex, agmina cælitum
Cui parent, faciem cernere da tuam:
Tunc Verum sine nube
Ipso in fonte videbimus.

A quo cuncta fluunt, maxima laus Patri:
Qui mundum reparat, maxima Filio:
Et quo pectora flagrant,
Sit laus maxima Flamini.


SANTOLIUS *Victorinus.*














SANTOL
CARMIN
SELECT